

蓬萊縣志卷之六

流寓

戰國

魯仲連

嘗遊趙為平原君見新垣衍不肯帝秦秦軍聞之隨解為田单射書下聊城齊欲爵之逃海上曰與富貴而詘於人
寧貧賤而輕世肆志焉

宋

李師中

楚丘人熙寧預知安石之亂刺登州累召不就遂家焉葬郡城西臙脂岡北子孫隸籍蓬

蓬萊縣志

卷之六

流寓

一

萊

元

劉侏

樂安人仕至驃騎上將軍益州都府同知兵馬都總管行元帥府事後改治登州因家焉
侏子傑號萊山官至昭勇將軍杭州路總管兼府尹次子昌官至廣威將軍管軍萬戶鎮守嘉興路昌子鐸授武德將軍管軍千戶鎮杭州

曹安仁

字從義其先北平人授從仕郎致仕行至蓬萊遂家焉

甯秀

河間人授朝列大夫同知般陽路總管府事致仕因籍蓬萊

宋貴誠

江西吉水人祖信為至元間宰相以罪貶文登貴元末選舉除袁州路總管府判官昭信校尉後改般陽路總管府判官寓居蓬萊

閻程唐

隴人為安撫使發蓬萊長官司家焉後子孫多登科第

王孟賢

洛陽人司訓登州因家焉直指使聽其裔也

仙釋

漢

安期生

賣藥東海上人皆言千歲翁武帝時李少君言於上曰臣嘗遊海上見安期生食巨棗大如瓜在蓬萊山中於人合則見不合則隱於是帝遣方士入海求之居久之少君病死帝以為化去不死而使黃鍾史寬舒受其方復求焉

王和平

北海人性好道術濟南孫邕事之和平病卒邕葬之東陶書卷藥囊悉以從後弟子夏榮言其尸解邕始恨不取其寶書仙藥

蓬萊縣志

卷之六

仙釋

三

宋

禪鑑大師

登州人姓王氏法名文宗幼年出俗投延洪院傳大乘戒修恒誦法華開演京府無不恭奉徽宗每宣入內對御講經賜紫金衣加號禪鑑大師

曉初

辛山白雲資慶禪院維那僧善奉佛嘗供養真武專誠勤恪院臨海島有邵武軍周應等百餘人時出劫殺一日欲入院劫奪其夜曉初跌坐先覺發人告報司具兵甲到院設

一目九仙

伏應等果至俱被擒事聞特賜真武院仍賜曉初紫衣號真應大師

一人隻目其八人俱瞽行則隻目前導行乞
於市夜止城西北來賓橋下人莫之識也後
州守遇於橋上以書
示之九人倏化去

金

重陽子

姓王整屋人大定中往來海上嘗棲府城南
修真觀城中有畫橋重陽子語人曰此橋逢
河必壞衆意河水衝蕩耳大定二年何邦彦
守郡惡其不便改造之語驗人始知其為仙

元

李國用

登州人寓杭州能望氣占休咎兼相術但崖
岸倨傲謝石諸孫有退樂者延致之即據中

蓬萊縣志

卷之六

仙釋

四

坐省幕官皆下位不得其一言時趙文敏公
為七司戶陪席風瘡滿面李遙見即起迎謂
坐客曰我過江僅見此人面瘡愈即面君矣
公輩記取異日官至一品名聞四海後如其
言蓋嘗得仙術洞視
五臟世稱神仙云

明

耍子

幼從師修真於城之萬壽宮遇異人止宮之
窰師不為禮私食之異人授以術點鐵成金
師覺異人遽去耍子沐浴跌足而化遣一履
是日城西三十里有人見其赤一足逐一驚
行口煩寄吾師
吾尋異人去矣

赤脚王

碧目蒼顏髮明如鑑戴一笠非布非絨其光
如漆其質如灰每自以爲始冠時物不知其
幾千年所嘗爲人力田隨意耘耔不問人知
隆冬不履冰澤腹堅踏其上如平地行步如
飛驟馬追之不及人爭異之以長生之術求
則厲色嗔詞俚不可解八九十歲老人日童
時屢見其貌正如今日嬰兒痼疾邀拊摩之
立瘳間有調笑之者下其裳童身稚膚乃共
驚傳其爲全真子也爭師事之早已遜去杳
不可尋以其四時徒跣遂名爲赤脚王云

馬貞一

不知何許人有人於弘正間見之居華山當
時已百數十歲矣萬曆乙丑抵登預識郡變
多隱語有
詩見藝文

董光純

蓬萊縣志

卷之六

仙釋

五

自稱安丘人島將變忽至登語多顛越不相
連續率一二語畧可解着白布衣遍書詩其
上詩亦多不可曉偶於街頭狂叫日監軍道黃
日十字口兩條腿無處走未數日監軍道黃
孫茂果爲島將劉興治
所害遂服其爲異人云

邑志仙釋爲一邑之仙釋言也然不繫之乎一邑也何言乎不係之乎一邑也不必其邑之仙釋也不必其邑之仙釋其不係之乎一邑也固宜不係之乎一邑矣何爲乎志之志之者於其邑而見之也於其邑而見之則謂其邑之仙釋也亦宜郡志仙釋自安期生而下其繫之蓬萊者得若干人然其先皆不係之乎蓬萊也不知羽流出處大都在可知不可知之際於其地而遊卽於其地而顯亦卽於其地而傳安期諸人

其係之乎蓬萊也又何疑焉說者謂瀛洲方丈蓬萊神仙之窟宅也多異人產靈藥焉誕矣又謂始皇時方士徐市等携童男女五百人入海求神仙不能得因止其地而王蕃衍生聚遂成都邑今其地果安在耶而所謂徐市者果存耶否耶卽存矣又果仙耶否耶此又說之恠誕不經不可信之甚者矣

古蹟

繇城在府城南三十里羽山上相傳魏將田預築城禦吳將周賀以其地近殮繇處因名

大謝戍在府城北十里

田橫寨在府城北與蓬萊閣東西相對西北二面皆海石壁高峻昔漢韓信破齊田橫東走

於此遺址尚存

望仙門在府城內世傳漢武帝遣方士望仙於此今更為樵樓

秦碑在府治內李斯篆殘缺止存二十字今亦亡

叅駕疇在蓬萊南三里舊志唐太宗征高麗居民叅駕於此

寺觀

蓬萊縣志

卷之六

古蹟

七

開元寺城內西南隅

普照寺東門內

關帝廟府治南

文昌廟畫橋東

龍王宮畫橋西

后土廟縣治東

萬壽宮畫橋南東崖

三義堂東門側樓

觀音堂西門側樓

火德廟

樓南側門

壇廟

樓北側門

眞武廟

樓北西門

晏公廟

城西南角

給孤寺

迤西北關

東嶽廟

關南

藥王廟

迤南西關

普靜寺

關北

永福寺

橋來側廡

蓬萊縣志

卷之六

寺觀

八

白雲宮

閣蓬萊前

千佛寺

閣蓬萊前

彌陀寺

閣蓬萊前

海潮菴

東蓬萊側閣

小神廟

南天橋

泰山行宮

山密水頂

龍泉寺

十城南

金雞寺

十城南六

古城寺

十城南

崗山院

城 南 一
里

北林寺

城 西 三
里

沙諸寺

城 東 八
里

蓬萊縣志

卷之六

寺觀

九

蓬邑古蹟不可枚舉矣所稱古之封國及秦碑
李斯篆此無可疑者至望仙門相傳爲漢武遺
址於理或有之又有叅駕瞳父老相訛皆以爲
太宗駐蹕處考唐史太宗東征多取道營平間
爲今

盛京遼左地而竟牽合附會不過欲借其人以相
傳於不朽耳夫世之勝壤名區豈必借前代偉
人而後傳耶抑不假古人而卽可以自著耶噫
嘻石鐘赤壁得坡仙而名益顯岵潭馬退山因

蓬萊縣志

卷之六

古蹟

十

柳州而蹟益著由此觀之人果以地傳也耶地
果以人傳也耶